

丹陽縣續志卷之二十一

藝文

五古

明經姜懋堂

應揆

志節士也破城日自經於明倫

堂次子榮福相從亦投泮池死

徐錫麟

喪師失地者逃匿多貪生胡為草莽士一死獨分明丈夫秉亮節義重性命輕但免身前辱豈計死後名有子不肯離矢志泮水清料想月明夜橋門携手行

過白鶴山望孫陵有感

吉正常

漢代有孫鍾種瓜傳軼事瓜熟祀山神神畀牛眠地有

丹陽縣續志

卷之三十一

藝文

一

孫曰仲謀追崇儼帝制東吳霸氣銷陵寢無碑記飛鶴杳不返樵蘇杳無忌滄桑屢變更惟賸三仙寺寺後一高墩莫辨陵真偽謁陵逢孟冬松柏猶蒼翠

丹陽舟

金和

朝遊丹陽江丹陽之江使人愁暮遊丹陽江丹陽之江使人憂一旦忽逢載麥舟舟兮舟兮今贈客矣舟麥有時盡客貧方未已客再貧時非范公兒慷慨者誰

登城霞閣

束允泰

高閣何崔巍川原去無極荒村淡夕霏高水起寒色天空飛鳥沒日暮行人急獨立意蒼茫泣下衣裳濕



鄉先輩五君詠

景樹楠

荆其章明經琢

素庵精制藝師事金沙王耘渠先生少迂鈍其父偶以糞土之牆命題文成父大駭異由是知名王罕皆太史選八集多採其文嘗與王詒燕王紀及同邑東昌霖有四逸簡存之刻

鶴水鬱英姿

君家黃塘近白鶴溪

餐霞性不偶由來外糞土其中

金玉有文從象罔求得方牆東叟數篇登八集榮過加

簪綬

湯展文孝廉諧

懷村初名大成幼有神通之目八歲縣試草案第一後占籍武進雍正甲辰補行癸卯舉人古文神似司馬子長與西江李穆堂齊名嘗以事繫獄會學使楊公某按臨作書凡萬二千二百

丹陽縣續志

卷之三十一

藝文

一一

餘言上之事得白尋領鄉薦應試赴都死客中其甥吳耕心茂才哭以詩云何至世情皆欲殺最傷未第竟亡身紀實也著有孟子論文左氏蒙求史記半解練湖歌敘錄大梁約矩錄

腐遷是前身頭角見童丕鍛鍊亦何心英流坐淪陷世

情爭欲殺何必非賞鑑請勿張尉羅高翔謝藩鷄

束聚五明經昌霖

君居邑東留墅善制藝兼工詩古文詞王牆東先生嘗激賞之已山太史其甥也因事與太史相齟齬故其文八集所收從略著有東聚五制義怡先堂文稿經濟要覽

曲阿論制義指首屈聚五誰云宅相賢片言輒齟齬老

去情益澹漁樵狎故墅鸞鶴得高棲何愁鍛毛羽

吳歧丹學博美



書城原名梓雍正壬子舉人乾隆丙辰明通榜  
第一特授宜興縣教諭君為邑名宿文章經學  
頃動一時及門多知名士彭莪園少從之游好  
為江西派君正色曰江西文固高然少年當求  
榮世且勿作獵名計彭因降  
格為投時之作卒年七十

戶外屨恒滿問奇趨講席高足得彭三莪園鉛几皆生

色名冠明通榜壓倒鼇頭客安得執鞭從春風叨教澤

### 彭晉函孝廉澧

莪園原名澤令乾隆丙子應試北闈更名澧性  
穎異十歲能詩有詠雪詠桑諸作古文與山陰  
胡天游齊名制舉藝凡數變少時文彩霸烈一  
變而刊落浮華再變而清疏古澹冲然於色聲  
臭味之表詳見其與蔡芳三書及印義嶠莪園  
先生傳中少客某氏幾以蜚語詔大獄會學使  
者桐城張公葯齋廉得其情乃免乾隆癸酉以  
選拔入成均七試而四得第一餘皆第二丙子

### 丹陽縣續志

#### 卷之三十一

藝文

三

舉京兆三十四名出梁侍講山舟門揭曉至君  
名陳勾山先生問誰得此人者梁愕然因戲謂  
梁計子方舞勺其文已膾炙人口由是闕堂咸  
賀得人梁刻同門卷多所裁定明年就鄉先達  
睦曉章聘校士黔中卒於署年五十有六時文  
列三集丹徒郭介士豫刻其遺文六十二首係  
梁侍講定本即所自訂之第三集也著有四子  
緒餘莪園白話百二異人傳選有考卷扶雅初  
二集又嘗與同邑吉迺振有練塘棚草之選與  
泰州宮篤周興化吳涇陽有補野堂文鈔之刻  
王夢樓放下齋初稿  
詩亦其所鑒定云

雪句括生平幾回經挫折君十歲詠雪有云不知名早

噪江淮一第償晚節文境老益高孤青露石骨繼武愧

荆陳廣陵散已絕君歿數十年來竟無繼者雖荆培齋

曷勝小  
巫之愧



七古

題曲阿魏氏忠孝錄

俞樾

大星隕地鼓聲死土崩瓦解不可止被髮梟羊四面來  
一曲阿城安足恃忽有浩氣飛上天知是城中雙父子  
雙父子何桓桓雖有練士貴原非守土官誓死弗去為  
其難碧血四灑刀光寒死忠死孝吾心安烏聲啞啞夜  
繞屋有子鳴鳴終夜哭手抱遺書不忍讀烏乎茫茫大  
劫恒河沙惟忠惟孝天所嘉不信請徵魏氏家

建陵斷碑歌為東季符作

吉正常

季符茂才好奇古邀我來觀建陵之片石披蘿剝苔究

丹陽縣續志

卷之二十一

藝文

四

遺文正書反書窮考覈敬通創作清閑法

反書係梁孔敬通所創座

上酬答諸君無有識者遂呼眾中清閑法

蟲書鳥書紛難譯字畫大於痊鶴

銘華表如遭巨靈擘廬陵集古誤為宋

歐陽修集古錄止載正書且誤

梁為宋

遂使此碑為荒僻世上淪棄多奇珍風霜剝落兼

日炙千年古碑臥田塍樵夫牧豎不知惜先賢愛古心

悠悠千搜萬索始能獲親携墨工搨此碑寶之不啻千

金璧

曾祖涓崖公乾隆壬寅冬出北郭携墨工榻之作梁陵反正書跋

越今七十有三

載翁仲碎破石色赤季符茂才正奇士愛此銀鉤兼鐵

畫樂石吉金敦古歡

呂堯仙中丞贈余楹帖模山範水出心匠樂石吉金敦古歡並顏余

書室曰古歡齋

我生亦有嗜奇癖懷古茫茫集百憂蕭梁人物



成陳迹王氣全銷帝宅荒梁武帝舊宅在塘頭村石麟屹立塋蘇

碧

建陵石獸歌

吉正常

曲阿之北東城東陵前翁仲碧苔封石麒麟臥隴畔  
兩獸蹲踞氣象雄摩挲梁代之神道緬想蕭家帝業隆  
帝幸蘭陵謁建陵紫雲上覆光熊熊陵旁枯泉現靈異  
香潔之水流不窮忽有青蟲食陵樹忽有大蛇鬥隧中  
隧口辟邪忽起舞時維梁代中大同武帝若識辟邪意  
何必身捨梵王宮越今千載成陳迹蒼煙青蘚徧殘叢  
金牛已絕石獸稀詩句我憶陸龜蒙柘坡居士過陵口

丹陽縣續志

卷之二十一

藝文

五

誤將肺石入詩筒雲壑殿撰留截句析疑賴我鄉賢公  
先曾祖渭崖公有萬柘坡臨口牖肺石歌辨修撰汪如洋與柘坡同里題渭崖公蒙溪讀書圖有石羊陵口舊踪詠昨其詩疑析柘坡之句建陵石獸高二丈疑有鬼斧兼神工我  
來建陵尋石獸春風澹蕩雨濛濛

游練湖放歌

丙午年作

林福源

洪塘初鑿兮集樓舫猛士蠶發兮會巨川橫中流兮擊  
鏡鼓靖煙塵兮奮威武皇清有道兮守四夷燧燧息警  
兮波臣嬉英豪失職兮歸故里遨遊無度兮樂忘死鳳  
已去兮竹有花盪空明兮泝流霞悵余心之不淑又何  
恤乎無家



此為栽木師而作也水師既栽外夷大橫外夷橫而內寇興矣棗竹生花瀕湖遭劫哀哉

貢孝子七十壽辭

王煦

誰非人子誰無父母哀哉孝子獨無父母一解彼無父

母誰有父母哀哉孝子獨有父母二解痛馬鬣兮已封

欲孝養兮靡從魂悠悠兮安歸乃結廬兮相依三解相

依兮望顏色事死如生兮昊天罔極非墓門而寢門兮

循問安之子職非地下而膝下兮潔滌灑而進食朝朝

暮暮父母之側四解山有魑魅為父母禦之道有荆棘

為父母去之松風颼颼兮父母呼我而語之五解孤燈

半壁霜滿天日月易逝年復年不見我父我母涕泗漣

丹陽縣續志 卷之三十一 藝文

六

漣六解既有孝子復有悌弟至誠感途人手足況一體

怡怡天性老不衰藹藹和光溢鄰里七解猗歟孝子靡

德不彰乃壽而康惟孝子為閭里之光願進孝子一觴

八解孝子曰噫忍言尙齒我年七十我心孺子杖勿進

鳩觥勿祝兕嗟我父母兮未嘗有此

磚硯歌贈解鐵如 並叙

王煦

鐵如有磚癖所至物色之蓄日多人其室縱橫兀

榻間皆此物也製為硯隨其大小長短完缺施以

斤鑿而仍不失其天然之致曩嘗以吳倉磚見贈

甚發墨昨歲仲冬賤誕同人壽我以詩以文以聯



語鐵如獨壽我以硯其磚得自宣孝里硯形橢方  
上窄下寬似方巾而高以周尺計之縱八寸四分  
橫下七寸五分上六寸三分池員徑六寸其頂有  
富貴子孫四古篆每二字合并用減筆成文雖剝  
蝕猶可辨鐵如以其語於祝壽宜爲銘其上云富  
貴合子孫連壽吾友同永年並題年月款識囑周  
子子如書隸殷子雪帆鏤之復爲五嶽眞形圖於  
其背皆取長壽意予雖不敢當然竊幸老人又增  
一詩料矣爰爲長歌以報之予得硯鐵如得歌未  
知足相當否

七鐵手持硯一方入門含笑登我堂爲言祝嘏殊尋常  
不循俗例陳詞章厥有古磚等截肪製之爲硯逾琳琅  
形如方巾高且長非譚非郭非吳倉富貴子孫字可詳  
篆體剝蝕何勁蒼自云物色山南岡宣孝古里樹草荒  
野翁掘得支短牆易以百錢持歸將追之逐之發幽光  
池兕聚墨如糟牀撰爲銘詞仿吉羊焦東八分書數行  
寒江漁隱鐵筆強背圖五嶽形軒昂他日乘雲鳳鸞翔  
定隨盧敖遊帝鄉以此介壽君能當我聞斯言喜欲狂  
急登諸几拜受忙自慚兩鬢如秋霜墨磨磨墨夢幾場  
猶復覩然搜枯腸無乃貽笑徒俯張旣思古物經滄桑



當年金碧成眇茫斷瓦拾來銅雀旁樹石輦至平泉莊  
世事若此增感傷令人摩挲不能忘況今製硯列文房  
惟鈍則壽甯荒唐承君厚意金玉相寶之永永爲家藏

呂城唐磚出土歌爲胡少坡作

并序

景樹楠

光緒五年十一月呂城鎮東農人莊姓名鼇榮者  
劬田得古磚二一已破尋棄之一行書唐故趙郡  
李君墓銘大唐咸口十有二年夏五月李君違疾  
於慶亭里之所舍春秋三十有一君諱口口本望  
趙郡世代因宦遷居江南今年夏之口也曾祖巖  
祖誠並以閨門肅睦仁孝開基名譽鄉邦田園養

丹陽縣續志

卷之二十一

藝文

八

性口口口口口居鄉閑雅口欽崇禮口口狎口綜  
口口投賢虎視耽耽而不狂君卽口口儒之愛子  
也風姿迥異德以和人嗚乎秀而不實玉碎珠沈  
大母聲嘶氣竭喪明口口殆不能制也所恨未配  
佳偶倍增傷痛悲苦之際營及空期利以其年七  
月廿九日葬於慶亭市西南三里黃掩村內呂城  
東丙首恐年日永久山川改位故刊貞石口口年  
荒銘曰芳名纔著令善以聞何圖違疾蒼卒而淪  
逝以迅速浮生若雲泉門一閉百古千春計其二  
百四十八字漉漫難識者二十一字書法絕類顏



魯公今歸之吾友少坡嗚乎有唐距今千百餘載  
非惟慶亭無有卽所謂黃淹村者居人已不知其  
名而何有於死士之一壟斯磚旣出墓存村存而  
慶亭市亦無不如在目前矣物之隱現固有數耶  
俯仰流連輒成長句旣以悲李君亦以賀磚之得  
所託也

君不見延陵君子碑十字奇麗萬古垂又不見建陵反  
正書一字珍過千璠璣曲阿自古鍾靈異半屬昔賢埋  
玉地慶亭西南呂城東居人閒說唐時事大唐趙郡李  
家子年華卅一奄奄逝如何壯盛未有室古人專精類

丹陽縣續志

卷之三十 藝文

九

若此風姿迥異德以和玉碎珠沈奈爾何所惜名諱字  
湮沒令人懷古空摩挲我聞委巷秀才有李格鄭王支

派唐宗室

邑志引揮塵錄云呂城堰北委巷竹林  
中有李格秀才者本唐宗室系出鄭王

以君

門閥細較量何必聲華遜顯赫泉門沈鬱悶終古坐見  
佳城變農圃片磚依約記生平千二百年纔出土至寶

竟爲耕者得瑜瑾輝光豈終匿訪碑不惜輦黃金眼前  
羲獻誰能識胡子閱之意驚竦座間不啻兼城擁陵谷  
生防沈峴碑簡編自愛搜汲冢一朝碑入詩人手滌垢

拂塵垂永久黃淹村卽黃閔岡

王大令保母墓磚宋嘉  
泰二年六月山陰農人

得之黃閔岡見  
四朝聞見錄

保母墓磚同不朽物之隱見固有數幽



閉何期得呈露昭陵曷禁温韜發破板終看王叵遇鳴

乎慶亭市已呈荒陂呂城城亦有廢時呂城為呂蒙所築久廢墓

土削平君勿悲墓平磚出人爭奇不然墓之為李誰復

知李之有君誰更思不見堰師之墓亦如斯唐開元四年偃師耕

者得比干墓銅槃篆文云右林左泉後岡前道萬世之甯茲焉是寶

五律

輓向忠武公榮

吉正常

昨見大星隕俄聞上將亡三年軍白下公督兵守金陵三載有餘大小

數百戰屹然一命瘁丹陽公於咸豐九年七月初病且為蘇浙保障

親鋒錮魂應戀戰場此心神鬼鑒夙誓掃欃槍公以滅賊為已

丹陽縣續志

卷之二十一 藝文

十

任有誓滅此賊圖記

半壁東南地惟憑一手撐移兵屯要地築壘保孤城報

國公無憾聞名賊亦驚獨憐中道逝未見大功成

奉命剿萑苻孤忠曠代無守陴歷楚粵公保守桂林長沙兩省城攻克

武昌保障及杭蘇雪夜曾擒蔡炎風亦渡瀘他年論勳

業不愧紫光圖

小醜鋒雖挫將軍志未酬英魂歸蜀道公為四川大甯人沈略

繼楊侯公為楊忠武侯部將隨征喀什噶爾等處鴻雁悲靈櫬旌旗送去舟

全師齊下淚誰與滅同仇

過黃連山訪楊安樓先生隱居遺址 吉正常



不見黃連樹空傳處士廬遠峰晴若近老幹影能疏古  
寺留題碣經山寺壁有先名山好讀書葛巾兼野服塵  
慮盡刪除生菩提井詩

何必人豪譽

漁洋登觀音山眺後湖詩楊公蘄黃昔開府坐清江漢真人豪謂令兄也

先生

品自閑名賢觀練水高士隱連山苔徑新含綠松扉靜  
不關停車問遺址溪響碧潺潺

沈山寺

王煦

為訪招提境層巒幾曲經林開斷雲白樓壓暮山青地  
僻僧逾懶年深佛不靈數聲啼鳥寂落葉閉禪扃  
七律

丹陽縣續志

卷之二十一

藝文

十一

丹陽覽古

姜聲霈

過江遺事不堪論弔古惟消酒一樽海艦千帆波影斷  
慶亭三壘戍煙昏劉繇去後無城在梁武微時有宅存  
莫更雲陽尋舊地東西已徧綠無痕

弔陳少陽

姜聲霈

草野何人與國謀微忱難得感宸旒携棺自分臣應死  
鼓鐵何心眾鑄仇萬淚齊揮書一紙百身莫贖恨千秋  
山河滿目皆非昔惟有歸樓是舊樓

重游嘉山寺

王煦

九曲河流灣復灣夕陽明處是禪關牆頭翠露千竿竹



門外青圍四面山初寂梵音僧入定共商詩句客忘還  
時閱拱增和尙近草招提重到渾疑夢吸茗聊偷半日閒

經山 二首

王 煦

萬壑松濤瀉翠微禪林深鎖白雲圍仙人已去空留石

臥仙 衲子重來欲認衣衲衣井汲菩提清又濁井有二

濁名 著 杖尋叩竹是耶非相傳寺有方竹講台久沒荒榛裏僧高

寶誌講經於此 回首獅巖剩夕暉山頂石巖纍如獅頭

連雲棧削似蠶叢小劍門開一線通落人坂石徑盤空

有連雲棧小 杏長孫枝殘劫後銀杏為誌公手植康熙

抱泉分仙液半山中象眼尋來洞口金牛隱金牛浮出

丹陽縣續志 卷之三十一 藝文 十一

波間石燕空浮石莫道僧家乏清供滿林橡栗墮秋風

楊處士墓

王 煦

明處士楊安樓先生諱志達崇禎末棄鄉貢隱居李家山其友某為顯官招之不出子孫遂家焉墓在宅後

深谷迤邐石徑斜到來老屋有人家青山一角先生墓

紅樹千重吏部窪其地名吏部窪秋色絕勝在昔高風輕紱冕祇今

幽宅繞煙霞欲求遺稿無人問林際寒梅幾樹花

癸丑書事

林福源

五嶺嵯峨繞越城平時篝火學孤鳴潢池忍指民為盜  
斗米誰令會結成坐擁結旄貔虎將不任臂指鸛鵝兵



尋行露布朝朝發一鼓何年奏盪平

妖星芒拂斗牛宮荆楚烽煙入望中青犢赤眉翻有算  
伏波橫海總無功潰坊直欲傾南極吹垢終須仗大風  
獨有憂時陳給諫預防三道出江東

長江萬里賊干羣兵爲防多力易分鎮日磯頭鳴火礮  
幾時天上下將軍中朝未定平吳策負弩空宣諭蜀文  
五載憂勤積宵旰欲從河上問諸君

北府精兵六代誇三山日夕隱悲笳避風有客如飛鳥  
當道何人斬大蛇桑落洲邊新戰艦桃源洞裏古人家  
竄身不及王尼胄滄海橫流一露車

丹陽縣續志

卷之三十一

藝文

三

四月八日收復丹陽客中誌喜

胡三瑞

蘭陵聞已建奇猷

四月六日克復常州

又報雲陽叠見收整頓河

山欣共戴森嚴戈甲唱同仇隻身琴劍他鄉託五載滄  
桑故國愁便擬揚帆過天塹陸家舊厦住西頭

光緒己亥預借官俸添築學署東齋三楹雜蒔花

木顏曰歲寒居

徐世勳

萬間廣厦意空豪小築三椽結構牢宦海波中浮斷梗  
眾香國裏著閒曹春風入戶噓人煖積雪堆門獨臥高  
贏得小園寬半畝徧栽桃李集英髦

誅茅十笏草堂新遶屋扶疏手執親百種鳥聲詩鼓吹



一簾花影月精神家僮住久安鳩拙熟客頻來喜犬馴  
常覺眼前生意滿胸中爲有四時春

沈漱芳師被吏議有感

王英冕

師以明倫堂火災事呈吏議然明倫堂實聞訓導所居李代桃僵可歎也

彈章多事到閑曹不礙元龍意氣豪自古詩人多歎命  
于今吏議慣吹毛逢時無術荃爲艾嫁禍成謀李代桃  
指望來年春信好落花重轉有風高

時漱芳師擬來春入都應南宮試

七絕

呂城懷古

黃之履

龍虎江東業化塵於今戶戶奉關神紫陽史筆丹陽廟  
丹陽縣續志

卷之三十一 藝文

古

總爲千秋大義伸

雲陽竹枝詞

姜璘

已罷清明白打錢風箏無韻到雲邊角鈴清脆空中響  
又是兒童放鴿天

鄉村婦女儉持家漸解蠶桑身手誇軋軋縑車茅舍起  
繞籬開徧做絲花

板橋雜記採蘭茗珠市競談品翠翹可笑銷金已無窟  
當年茅屋也藏嬌

上游建業下蘇杭控抗全憑蕞爾疆可恨同時兩忠武  
將星先後隕丹陽



晉宋齊梁六代空曲阿名勝後湖通顏延年句陶潛詠  
早入昭明文選中

官無宰相士無元諺語流傳誤後昆可笑不知往古事  
唐時皇甫宋王存

石延年是神仙標歐九曾爲賦大招零落碑亭荆棘裏  
何人不說麥舟橋

我陳東擊登聞鼓碧血橫流西市時千載英風猶懍懍  
黃魔竟燬少陽祠

劫火灰飛赤舌長昔年華屋半滄桑名人遺蹟未全沒  
城市猶留司諫坊

丹陽縣續志

卷之三十一

藝文

五

無聲詩史畫中禪韻石筆談句句仙二酉有書藏四庫  
孰揚祖德繼前賢